

## Transkription von Stadtbucheintrag QBD 1317a

Ort, Datierung: Quedlinburg, 1317-12-13

Signatur: Stadtarchiv Quedlinburg, B/a HS 1a, S. 27

Inhalt: Rat der Stadt Quedlinburg: Bericht über die Urfehde von Busse von Solttowe

---

Büsse von solttowe . hatde eynen w(er)ren . mit der / stat to quedelingb(or)ch . de qua(m) alsus to .  
Heyse sin broder / was der stat veruestede man . Do veng heyse enen / vser borghere . dar to lech eme  
busso von solttowe / eyn perd . Dar vmme gaf de rat bussen schult . De / wile dat de rat mit bussen  
degedinghede . do lep / busso von solttowe weg . Do trat de rat eme na . / vn(de) andere vse borghere .  
vn(de) eyn des vanghenden / vrunt . de wndede bussen . vn(de) bragte(n) vor den rat . / Do wart busse  
voruestet . Des heuet sich busse / van solttowe berichtet . vn(de) heuet der stat eyne / oruede dan .  
vn(de) heuet sech berichtet mit deme / de ene wüdede . vn(de) de gheuanghen was / Vor de orueyde .  
de busse van solttowe . heuet ghe=/sworen der stat . heuet ghelovet sin sone . busse . / vn(de) heneke  
bussen broder . vn(de) claves sin sone . vn(de) / hannes knoke . vn(de) heyse hildebrandes . vn(de)  
heneke / lapitide . vn(de) heneke schele kemerere . vn(de) ebeling / van tweuelendorp . Conrat cleyne  
smed /

Actu(m) . Anno d(o)m(ini) . m<sup>o</sup> . ccc<sup>o</sup> . xvii<sup>o</sup> Jn die b(e)ate Lucie v(ir)g(inis)